

Na osnovu čl. 18. i 19. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02 i 19/03), te na osnovu čl. 4, 11a. i 30. Zakona o privatizaciji preduzeća ("Službene novine Federacije BiH", br. 27/97, 8/99, 32/00, 45/00, 54/00, 61/01, 27/02, 33/02, 28/00, 44/04 i 42/06), Vlada Federacije Bosne i Hercegovine donosi

**UREDBU
O IZMJENAMA I DOPUNAMA UREDBE O METODOLOGIJI ZA PRIPREMU
PROGRAMA I IZRADU POČETNOG BILANSA PREDUZEĆA ZA
PRIVATIZACIJU**

Član 1.

U Uredbi o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", br. 10/98, 26/98, 49/99 i 40/00) u članu 2. iza stava 1. dodaje se novi stav 2. koji glasi:

"Kada je privatizacija uvjetovana podjelom preduzeća na više samostalnih tehnoekonomskih cjelina, preduzeće na osnovu usvojenog plana podjele, priprema programe privatizacije i početne bilanse stanja tehnoekonomskih cjelina i dostavlja nadležnoj agenciji za privatizaciju (u daljnjem tekstu: agencija) na usvajanje."

Član 2.

Član 6. mijenja se i glasi:

"Preduzeće koje se nalazi u postupku privatizacije u cilju pribavljanja dodatnog kapitala može izvršiti povećanje osnovnog kapitala u stvarima, pravima i novcu, kao i provesti postupak konverzije duga u kapital u cilju smanjenja obaveza preduzeća.

Radnje iz stava 1. ovog člana se provode na osnovu odluke nadležne agencije uz prethodno pribavljeno mišljenje resornog ministarstva i saglasnost nadležne vlade.

Agencija za privatizaciju u Federaciji BiH će propisati način provođenja aktivnosti iz st. 1. i 2. ovog člana u roku od 30 dana od dana stupanja na snagu ove Uredbe.

Član 3.

Ova Uredba stu pa na snagu narednog dana od dana objavljivanja u "Službenim novinama Federacije BiH".